

Embargo: Hanya boleh diterbitkan atau disebarkan mulai jam 1200, Jumaat, 16 Ogos 2024



KENYATAAN MEDIA

KEMENTERIAN EKONOMI
JABATAN PERANGKAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

STATISTIK IMBANGAN PEMBAYARAN MALAYSIA SUKU TAHUN KEDUA 2024

Imbangan Akaun Semasa Malaysia mencapai lebih RM3.0 bilion pada ST2 2024, didorong oleh akaun barangan dan perkhidmatan yang bertambah baik

PUTRAJAYA, 16 OGOS 2024 – Imbangan Akaun Semasa (CAB) Malaysia mencatat lebih **RM3.0 bilion** pada suku kedua 2024, menjadikan separuh tahun pertama 2024 berjumlah RM19.2 bilion. Sementara itu, **Akaun kewangan** berubah arah kepada **aliran masuk bersih RM17.1 bilion**, terutamanya didorong oleh aliran masuk yang lebih tinggi dalam Pelaburan Lain. Jabatan Perangkaan Malaysia (DOSM) hari ini melaporkan dalam **Statistik Imbangan Pembayaran dan Kedudukan Pelaburan Antarabangsa bagi Suku Kedua Tahun 2024** yang merumuskan transaksi antara Malaysia dan seluruh dunia.

Dato' Sri Dr. Mohd Uzir Mahidin, Ketua Perangkawan Malaysia menyatakan bahawa lebih berterusan dalam CAB sebahagian besarnya didorong oleh eksport bersih barangan. **Akaun barangan** mencatatkan eksport bersih RM24.6 bilion pada ST2 2024 berbanding RM32.0 bilion pada suku sebelumnya. Eksport barangan meningkat 2.2 peratus suku ke suku kepada RM278.1 bilion dengan eksport utama ialah produk Elektrik & elektronik (E&E), petroleum dan Minyak kelapa sawit dan keluaran berasaskan minyak kelapa sawit. Barangan ini mendapat permintaan tinggi, terutamanya dari pasaran seperti Singapura, China dan Amerika Syarikat. Dari segi import, Malaysia mencatatkan peningkatan 5.5 peratus daripada suku sebelumnya, berjumlah RM253.5 bilion. Peningkatan ini terutamanya disebabkan oleh import barangan Perantaraan khususnya dalam bekalan perindustrian dan alat ganti & aksesori, serta barangan Penggunaan. Import ini kebanyakannya dari China, Singapura dan Amerika Syarikat.

Pada masa yang sama, **Akaun perkhidmatan** menunjukkan prestasi yang menggalakkan pada suku ini dengan defisit yang lebih rendah RM4.9 bilion berbanding RM7.3 bilion pada suku sebelumnya. Peningkatan ini didorong oleh lebihan yang lebih tinggi dalam Perjalanan dengan peningkatan perbelanjaan pelancong asing di Malaysia, diikuti oleh perbelanjaan yang lebih rendah oleh rakyat Malaysia di luar negara. Tambahan pula, lebihan yang lebih tinggi dalam perkhidmatan Pembuatan, dan defisit yang lebih kecil dalam Telekomunikasi, komputer dan maklumat turut menyokong prestasi keseluruhan. Eksport perkhidmatan meningkat 5.5 peratus suku ke suku kepada RM58.8 bilion, kebanyakannya disumbangkan oleh terimaan yang lebih tinggi dalam Perjalanan, perkhidmatan Pembuatan terutamanya dalam Elektrik dan elektronik dan Pengangkutan khususnya bagi penumpang udara. Begitu juga, import Perkhidmatan meningkat 1.1 peratus kepada RM63.7 bilion pada suku kedua 2024, terutamanya disebabkan oleh bayaran yang lebih tinggi dalam Pembinaan, Caj penggunaan harta intelek dan diikuti dengan Pengangkutan.

Dari segi pendapatan, **Akaun pendapatan primer** mencatatkan defisit yang lebih tinggi sebanyak RM15.5 bilion berbanding RM8.8 bilion pada suku sebelumnya. Peningkatan ini terutamanya disebabkan oleh pendapatan yang lebih tinggi oleh syarikat asing di Malaysia dengan RM35.3 bilion, terutamanya melalui dividen yang dibayar kepada syarikat induk. Sebaliknya, syarikat Malaysia di luar negara menjana pendapatan yang lebih rendah sebanyak RM22.2 bilion pada suku ini disebabkan oleh pengurangan pendapatan dilabur semula berikutan lebih banyak dividen dibawa pulang. Sementara itu, **Akaun pendapatan sekunder** mencatatkan defisit RM1.1 bilion pada suku ini berbanding lebihan RM0.3 bilion pada suku sebelumnya disebabkan oleh penyelesaian lebih rendah yang diterima dari luar negara.

Dato' Sri Dr. Mohd Uzir Mahidin juga menekankan perubahan ketara dalam landskap kewangan Malaysia pada suku kedua tahun 2024. **Akaun Kewangan** mencatat aliran masuk bersih RM17.1 bilion, berubah arah daripada aliran keluar bersih RM18.7 bilion pada suku sebelumnya. Aliran pada suku ini didorong terutamanya oleh aliran masuk yang lebih tinggi sebanyak RM35.6 bilion dalam Pelaburan lain, hasil daripada peningkatan peminjaman antara bank dengan institusi kewangan di luar negara. Selain itu, Pelaburan langsung berubah arah dengan merekodkan aliran masuk bersih sebanyak RM3.8 bilion pada suku ini. Pada separuh tahun pertama 2024, Akaun kewangan mencatatkan aliran keluar bersih sebanyak RM1.6 bilion.

Pelaburan Langsung Asing (FDI) mencatat aliran masuk bersih RM9.1 bilion pada suku kedua 2024, peningkatan daripada RM5.5 bilion pada suku sebelumnya, terutamanya aliran

masuk dalam Instrumen hutang. Sebahagian besar FDI mengalir ke sektor Pembuatan diikuti oleh Perkhidmatan, terutamanya dalam aktiviti Maklumat & komunikasi dan Perdagangan borong & runcit. Sumber FDI utama ialah Jepun, Singapura dan Hong Kong. Pada masa yang sama, **Pelaburan Langsung di Luar Negeri (DIA)** merekodkan aliran keluar bersih sebanyak RM5.3 bilion berbanding RM11.5 bilion pada suku sebelumnya, terutamanya dalam Ekuiti & dana pelaburan saham dan Instrumen hutang. Aliran keluar adalah daripada sektor Perkhidmatan, terutamanya aktiviti Kewangan dan subsektor Elektrik diikuti oleh Perlombongan & pengkuarian dan Pembinaan. Aliran DIA terutamanya disalurkan ke Kanada, Kepulauan Cayman dan Amerika Syarikat.


Pada akhir suku kedua tahun 2024, **Kedudukan Pelaburan Antarabangsa (IIP)** Malaysia mencatatkan aset bersih yang lebih rendah sebanyak RM81.0 bilion. Jumlah kedudukan aset kewangan bernilai RM2.50 trilion, manakala jumlah liabiliti ialah RM2.42 trilion. **Pelaburan terkumpul** untuk **FDI dan DIA** masing-masing ialah RM954.2 bilion dan RM671.8 bilion. Asia merupakan rantau utama bagi kedua-dua pelaburan, dengan FDI sebahagian besarnya dari Singapura dan Hong Kong, manakala pelaburan DIA adalah signifikan di Singapura dan Indonesia. Selain itu, **Rizab Antarabangsa Malaysia** berjumlah RM537.2 bilion pada akhir suku ini.

Jabatan Perangkaan Malaysia (DOSM) telah melancarkan OpenDOSM NextGen sebagai medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


DOSM sedang menjalankan Banci Pertanian 2024. Sila layari <https://www.myagricensus.gov.my/> untuk maklumat lanjut. Tema adalah “Banci Pertanian, Kunci Kemajuan Pertanian”.

Kerajaan Malaysia telah mengisytiharkan Hari Statistik Negara (MyStats Day) pada 20 Oktober setiap tahun. Tema sambutan MyStats Day adalah “Statistik Nadi Kehidupan”. DOSM menyambut ulang tahun ke-75 Jubli Intan pada tahun 2024.


Carta 1: Imbangan Akaun Semasa (CAB), 2010-2023 dan ST1 2019 – ST2 2024




Carta 2: Peratus CAB kepada KDNK, 2010-2023 dan ST1 2019 – ST2 2024




Carta 3: Eksport Perkhidmatan, 2010-2023 dan ST1 2019 – ST2 2024




Carta 4: Perbelanjaan Pelawat Asing di Malaysia dan Pelawat Malaysia ke Luar Negara, 2010 - 2023 dan ST1 2019 – ST2 2024



Carta 5: Aliran dan Kedudukan Pelaburan Langsung Malaysia di Luar Negeri (DIA), 2010 – 2023 dan ST1 2019 – ST2 2024




Carta 6: Aliran dan Kedudukan Pelaburan Langsung Asing (FDI) di Malaysia, 2010 – 2023 dan ST1 2019 – ST2 2024



Paparan 1: Pelaburan Langsung, ST2 2024

Pelaburan Langsung Asing (FDI) di Malaysia



Negara utama bagi Aliran FDI



Jepun
RM3.8 billion




Singapura
RM3.3 billion



Hong Kong
RM2.7 billion

Pelaburan Langsung Malaysia di Luar Negeri (DIA)



Negara utama bagi Aliran DIA



Kanada
-RM1.6 billion




Kepulauan Cayman
-RM1.5 billion




USA
-RM0.7 billion

Nota: Nilai negatif merujuk kepada aliran keluar bersih


Carta 7: Kedudukan Pelaburan Antarabangsa (Bersih), 2010 – 2023 dan ST1 2019 – ST2 2024




Carta 8: Kedudukan Pelaburan Antarabangsa (Jumlah Aset dan Jumlah Liabiliti), 2010 – 2023 dan ST1 2019 – ST2 2024




Paparan 2: Kedudukan FDI dan DIA Position mengikut Rantau dan Negara Utama, pada akhir ST2 2024



Carta 9: Aset Rizab Antarabangsa (Bersih), 2010 – 2023 dan ST1 2019 – ST2 2024



Carta 10: Aset Rizab Antarabangsa (pada akhir), 2010 – 2023 dan ST1 2019 – ST2 2024



Dikeluarkan oleh:

PEJABAT KETUA PERANGKAWAN MALAYSIA
JABATAN PERANGKAAN MALAYSIA
16 OGOS 2024